

SCRIPTA

Numéro Scripta : 724

Auteur(s) : Rouen (official)

Bénéficiaire(s) : Le Tréport, Saint-Michel (abbaye)

Genre d'acte : charte

Authenticité : non suspect

Datation : 1235, 10 janvier

Action juridique : autre

Langue du texte : latin

Analyse

Charte de l'official de Rouen, à propos de la vente faite aux moines du Tréport par Guillaume de La Porte, chanoine de Rouen, d'un tènement sis dans la paroisse de Saint-Amand

Tableau de la tradition

Éditions principales

a. Laffleur de Kermaingant Pierre, *Cartulaire de l'abbaye de Saint-Michel du Tréport (ordre de Saint-Benoît)*, Paris, Didot, 1880, n° CLXVII, p. 185-186.

Texte établi d'après a

Universis presentes litteras inspecturis Officialis Rothomagensis salutem in Domino. Noverint universi quod vir venerabilis Willelmus de Porta, canonicus Rothomagensis, coram nobis in jure constitutus, recognovit se vendidisse et tradidisse viris venerabilibus et religiosis abbati et conventui Sancti Michaelis de Ulteriori Portu, pro trecentis libris turonensium, totum tenementum quod habebat et se emisse dicebat a Durando le Machon et Lecia, uxore ejus, situm in parrochia Sancti Amandi Rothomagensis, sicut est edificatum et se proportat inter furnellum abbatisse Sancti Amandi, ex una parte, et terram que fuit uxoris Audini Anglici, ex altera, per longitudinem et latitudinem a vico ante usque ad gardinum Thome de Bonmolins per retro, tenendum et imperpetuum possidendum, ita tamen quod predicti tocuis tenementi et pertinenciarum ejus dictus canonicus, quamdiu vixerit, fructus seu proventus omnes et utilitatem habeat et tenementum ipsum, nomine eorumdem abbatis et conventus, possidebit ; post decessum vero vel cessionem ipsius, totum predictum tenementum, cum pertinenciis, ad dictos abbatem et conventum libere et plenarie revertetur, absque reclamacione vel inquietudine alicujus successorum dicti canonici dictis abbati et conventui fatienda. Sciendum est etiam quod, si forte abbas vel monachi supradicti, seu eciam eorum servientes, Rothomagum venientes, in hospicio predicto pernoctare voluerint vel morari, dictus canonicus eos secum in eodem hospicio, ad expensas eorum, tenetur honeste recipere ex conducto. In cujus rei testimonium, presentibus litteris, ad instantiam partium, sigillum curie Rothomagensis duximus apponendum. Actum anno Domini M°. CC°. XXX°. quarto, die mercurii proxima post Epiphaniam Domini.